

”Plastic in a bottle” pillugu aaqqissuussamut oqalugiaat

*Aalisarnermut, Piniarnermut, Nunalerinermut, Imminut Pilersornermut Avatangiisinullu
Naalakkersuisoq*

Peter Borg

27. november 2025

Bodil, oqalugiaatinnut qujanaq.

Uunga suliniummut piffissaq, nukiit atorlugit
piumassuseqarnissinnut piviusunngortitsinissinnut
peqataanissinnilu qujanaq.

Immikkut qaaqqussummut aamma oqalugiarnissannut
periarfissamut qujarusuppunga. Tamanna uannut
pingaaruteqarpoq –aammaluNaalakkersuisunut
tamarmiusunut.

Ullumikkut maaniippugut, kinguaariiat, tunuliaqutit
suliallu akimorlugit ataatsimoorfiit aallaavigigatsigit:

Ataatsimoorfigisarput tassaavoq, immap uagutsinnut
pingaaruteqassusaa.

Imaq uagutsinnut nukimik tunisisarpoq.
Immap ataqatigiilersittarpaatigut.

Tamattami imaq malugisinnaavarput.
Imaq inuussutissarsiutigaarput.

Siuligut immap pissarititaanit inuussuteqarput.
Ullumannalu tikillugu immap
pissarititainerisaqartarnitsinnut tunngaviliisuullutik.

Aalisarnermi avammut tunisat 98%-it aalisakkanit
qalerualinniillu pisuupput. Taamaammat pingaaruteqarpoq,
inuiaqatigiittut imartattatta illersornissaa – inuunitsinnut
tungaviliisuummat.

Imaanut atassuterput nukittoorujussuuvoq – aamma imaq
inuunitsinnut kinaassutitsinnullu tunngaviliisuulluartaavoq.

Kinguaariit nutaat paarsilluarnissamik kissaateqarput.
Suliniutinullu ima ittunut soqutiginnillutik peqataanerat
nuannaarutigaa.

Eqqakkat plastikkiusut ajornartorsiutit ilaraat, tamanna takunngitsuusaaginnarsinnaajunnaarparput. Taamaammata aamma akisussaaffeqarpugut.

Akisussaaffigaarput akornutaasoq paasissallugu – isumaqatigiissusiorfigissallugulu. Paasinngisagummi illersorniarsinnaanngilagut.

Ullumikkut puiaasap puukui imaanut iginneqartut, paasisaqarfiginerussavagut, eqqagassat plastikkiusut qanoq ignerlaartarnersut. Puiaasap puukui takutissavaat, sarfartitinnerminni sumut pisarnersut sumullu katersuutarnersut.

Ilisimasat, politikkikkut ineriartornitsinnut atugassaraarput.

Ilisimasat, ingerlatsinermut atugassaraagut.

Ilisimasat, iliuuseqarnermik kinguneqartitsissapput –
nunatta iluani , kiisalu nunat tamalaat akornanni.

Kisianni ilisimasat kisimik naammannngillat.

Naalakkersuisunit akisussaaffipput tigussavarput –imaani
uumasut aalisakkallu mingutsitsiffiunngittut
angorusuppagut. Taamak isiornikkut kinguaariit tulliuttut –
Taakkulu tullii – immap pissarititaanut soorlu aalisakkanik,
qalerualinnik, miluumasunik, immap naasuinik
allarpassuarnillu piujuartitsisumik atuisinnaanissaat,
imminullu pilersorsinnaanissaat
qulakkeerinneqataaffigissavarput.

Akisussaaffimmik tigusissagutta, aamma inerniliussassanut
ataatsimuussagutta, qularinngilara qularnaassagipput,
tamannalu pillugu aamma Royal Greenland-ip ersarissumik
oqaatigaa:

Imaani pisuussutit uagutsinnut – aamma kingulissatsinnut
– inuussutissaqartitsisuujuartussaapput.

Qujanarujussuaq.